

溧陽縣志卷十二

人物志

忠節

史翹唐宰相務滋從曾孫天寶初或獻書闕下言巴蜀

間有石鏡見於巖半仁壽之字昭然可觀翹奇之而作

賦詞義甚美仁壽鏡賦主上恢大寶闡鴻休仁風揚

瑞石鏡涵秋無往不形鑿乃侔於止水有來斯應道可

喻於虛舟懿夫化自天鈞質非鎔造亭午光射靈朝曙

早來洞穴之九仙對商山之四皓炳崑岫之龍燭倒風

壇之竹掃光能照乘不遺罔象之珠迹在幽巖為啟崆

峒之道動如秋水之激如寒雪之凝豈駐清夜之圓月

挂長河之動冰其形不由於拂拭其勢豈假於鈎繩君

則無心惟德之斯感山非自爾喜神之有憑左猿吟右

虎嘯萬籟相聒羣容必召雖復晉有金飾之美魏有銀

華之妙何如庸魅而野鹿羞窺愛舞而山雞自照昔之

寫形仁壽見膽咸倚瑋瑁而稱麗挂珊瑚而益光名

溧陽縣志

卷十二

人物志 忠節

一

傳歲月事著縑緇咸播美於前古孰歸功於我皇鏡為

之鑒與明德合符石類於金惟聖躬協應可以示後世

頌美之詞更動詩王之興法天法地之簡足仁不騫不崩

鄙石室之仙經六體自然輕漢園之故能長久萬人咸識

文之不朽賦據苑英華及文獻全集以門蔭補某

官累遷至御史大夫山南東道節度使肅宗上元元年

襄州將張維瑾曹玠據州反翹抗節不屈死之參據唐書宰相

董平唐永貞中進士累官門下中書侍郎太和末與賈

鍊等謀誅宦官甘露之變平殉其難後賜祭葬

趙淮字元輔以從父丞相葵賜第溧陽遂家焉李全之

叛淮屢立戰功咸淳中曾知無為軍致仕歸德祐元年

世系表肅宗本紀來瑱傳及史譜

元行省兵自江州行院兵自淮西分道並進賈似道軍潰沿江守將或降或遁乃就家起淮爲太府寺丞同臨安府判陳昭寶於銀樹東壩措置防拓招集義兵聚糧造艦於長蕩湖倚山山置寨以扼建康東下之兵尋除淮東轉運使舊縣志作江東轉運判官今從宋史本傳置司溧陽冬十月元兵分道進臨安時淮駐兵豐登圩元遣別將新野千戶陳翼進攻之淮戰敗被執併其二妾舊縣志云翠蓮綠雲同送淮東行省淮口占辭家廟云祖父有功王室德澤延及子孫淮今勢窮被執萬古忠義猶存刀鋸吾所不懼誓以一死報君急告先靈速引庶幾不辱家門比至瓜洲見元帥阿朮不跪援以虎符不受阿朮將殺之淮願速死

溧陽縣志

卷十一

人物志 忠節

二

乃釋之而使往揚州招降李庭芝許以大官淮陽許諾至則大呼曰庭芝男子死卽死耳毋降也阿朮怒殺之罵不絕口棄尸江濱謚忠愍祀名宦妾亦殉節自有傳錢應高宋景定三年進士德祐元年元兵自建康略地至溧陽趙淮被執宿其家翼日北行應高追送到江口聞淮瓜洲之難憤不食還至荆溪赴水死祀鄉賢

僕列箴忠襄文質季子元至順庚午進士潮陽縣尹告歸南昌舊寓值紅巾來寇當事檄守東門城陷不辱與妻子十一人同日死後人徙其所居樓於城之西北角曰僕家樓以旌忠烈明萬厯間好事者更名夕佳而舊名遂泯崇禎末江西巡按御史李嗣京立廟以祀之列

簾嘗居溧陽

國朝雍正間詳請崇祀忠義祠

吳有志云成於臣乾隆八年而此

砥柱如公之峻節而梓里無表章之者崇祀而然耳其注

是有望於後起此節仍用康熙徐志之已詳崇祀則

中文明言雍正此語故節之非忠義所刪改也請萬元吉東

門歌并序旆西觀一元季而難忠義在人身天性墜矣昔王

師所級衲錫藥死若福壽死難有諸臣以在躬仰昭朱春桑李

宗可闔室同死若福壽死難有諸臣以在躬仰昭朱春桑李

失里嗜義如飴高皇即壽死難有諸臣以在躬仰昭朱春桑李

義士必褒崇於後代蓋以厲風教諭其在於元何獨不臣

然及自是御史福又壽右丞劉闕總管李仕黼令有司得稱像

其示廣厲之意微矣先史劉闕總管李仕黼令有司得稱像

南昌東門陷誓不辱先妻古氏同紅巾之亂檄守

壽輩豈非得氣之先者耶高皇幸茲土祠再肖矣登樓賦

詩築臺問俗使耆老告以俛列茲事祠肖像當不賦

後元郡明哲之搶攘之訪秋夕未佳也新方陵少棖李問實

理元郡明哲之搶攘之訪秋夕未佳也新方陵少棖李問實

溧陽縣志

卷十一

人物志 忠節

三

僕公之靈式憑之製木主祠以少牢意至渥也其於

教之旨更相契予惟危素黃礙相約殉元礙死之素

悖盟愉活非骨肉重臣莫能治之萬古淒涼外軍付定

文正淫縱不法至欲叛歸東門呼瑟黃雲蔽野

不為虎甚矣死之難也旌漫城障勢危予為民束

吹筆紅巾殺氣渡江來旗漫城障勢危予為民束

倚東門公慷慨憂恤師老糧盡城障勢危予為民束

守專一超距馳浪互續道士營購棺勤募工挈子

赴督井長虹錦浪互續道士營購棺勤募工挈子

築大墳妻死古并父弟死後臣樓屋折向城頭

踐盟約五倫千并父弟死後臣樓屋折向城頭

弄絲竹年燕雀閑夕佳翰林死後臣樓屋折向城頭

理南昌擊節忠魂稽往錄撫膺太息對青氏木主少君

淚痕斑原將一浮名直幾何屍骸不須息對青氏木主少君

生白肉怒如漳江漲春水烈如西山上夏不皎如皓

映秋波慘如酸風號冬哭憶昔觀山暴名城不皎如皓

幾縱橫屈指當年死死者吳烈如觀山暴名城不皎如皓

中流矢大舍張子年死死者吳烈如觀山暴名城不皎如皓

競請纓淮甸真人掃雲霧稟藁草昧無攸屬金陵御史

起祠堂像魏峩風聲樹余闕李黼亦專祠秉昭宗可

東門歌褒書久下隆興路松陽今有東門歌雞鳴風雨  
二人拊天下以此惜身名湯鑊沸沸無憂懼松陽早有  
慰朝暮

徐文英幼警敏而尚氣節洪武二十九年由明經授龍  
虎衛經歷擢浙江道御史清剛特立一日入朝晚太祖  
詰之對曰送臣父歸里爾上問何所贈曰錢一百草履  
二兩遣騎追驗之良然又見其衣肩襖裂命繡窮御史  
三字於袍上以旌之尋轉河南副使清操彌勵寮屬有  
過輒斥不少容後從英國公張輔征交趾矢竭心力邁  
病臥營中語人曰馬革裹尸未足報國遂卒英公憐其  
忠令人輿槨歸葬焉祀鄉賢

史源字元傑以才勇授南京驍騎千戶永樂間從征交  
趾遇賊月常江馬逸入陣衝突斬馘賊眾驚潰忽爲毒  
鏢所中所乘馬負尸歸營僵立如生

戴慶祖字繼先自號成趣翁永樂間以人材薦授太常  
寺贊禮郎累擢至少卿正統十四年扈蹕北征死土木  
之難成化間建坊立祠穆宗朝追贈嘉議大夫太常寺  
卿謚忠節遣官諭祭祀鄉賢姪昇蔭都察院照磨  
王亮采字仲寅事母以孝聞嘉靖己酉舉人知石州以  
嚴明著宿逋爲之一清俺答將寇汾州猝至石州城下  
索金帛亮采固守不應乃益兵攻之城破被執攜至汾  
州抵郭門亮采大呼曰石州已陷我死不足以自贖城  
中宜堅壁以待援兵遂遇害士民哀之立祠又祀鄉賢

馬從謙字益之號竹湖嘉靖十四年進士授工部主事  
出治河徐梁有能名轉禮部主客司主事十七年擢尚  
寶司丞掌制誥時章聖太后遺命帝服以日易月從謙  
上言三年之喪聖人中制陛下在藩邸天啟聰慧能行  
於睿宗獻皇帝乃今不得行於章聖皇太后是聖人在  
天子之位反不能議禮制度考文也或以爲三年之久  
恐妨庶事不知此固不必膠於三年不言萬幾盡廢亦  
不必直禁三年之嫁娶隳四時之祀典乞下禮官博考  
唐虞三代之古制采集漢唐宋諸儒之議論兼求宋朝  
宮幃中三年之禮度出入古今酌量通變議請裁定以  
終三年又疏論靈璧侯及兵部尚書懸帶牙牌係司吏

刮改乞并究擬以絕詐僞而嚴關防從世宗幸承天擢  
光祿寺少卿兼翰林院五經博士掌誥如故時俺答吉  
囊侵掠爲患二十九年八月有旨問策羣臣從謙抗疏  
二千餘言其略曰今鎮兵雲屯關戍櫛比然敵奄至不  
能防禦者承平久而軍政不立粉飾多而武備不修也  
凡敵國對峙固未有不能戰而能守者爲今之計惟擊  
爲便所以備擊者有三事焉一曰儲峙復輸粟之令革  
買賣之窩則鹽引開而飛芻走粟至矣久任沿邊守令  
以每年徵收邊額多寡爲賢否則積欠少而倉廩實矣  
先時出帑藏銀預購芻糧以儲各鎮急則價不踊貴矣  
一曰鼓勇重首功之賞養敢死之士是也今之養武士

日鼓動其精神則各逞技能而大有獲養而不戰將安  
疲樂怠且釀成驕悍之氣矣近時馬勇梁震王效能養  
死士多者不過數百人少者數十人結以恩信飽以嗜  
欲一旦寇至則出死力以報之使九邊戰士盡如此又  
何難於燕然之勒哉一曰制軍其式當如總制都御史  
劉天和昔年所議與敵對陣則重車方軌山移而進謂  
之奮擊敵眾未集則衝車直奔謂之衝擊我眾未集而  
敵已入關則排車橫陣堅壁以奪歸路謂之要擊敵眾  
深入絡繹連亘則分車角陣約號四起謂之夾擊敵持  
載而還不能疾行則輕車夾騎三道排堵而尾擊之伺  
便則以火器車直擣輜重謂之追擊並乞選大臣一二

人總制邊務不責其近效小失供億多寡聽其生殺予  
奪之便宜勿使舞文弄墨者爲之掣肘每季輪差總兵  
官一人督京兵四分之一屯守關口復擇京外要害立  
四犬堡堡屯萬人以安民心疏入不報當是時世宗從  
事齋醮日費數千緡提督太監杜泰歲侵鉅萬從謙奏  
發之并乞罷齋醮泰因誣爲誹謗帝命杖從謙八十戍  
煙瘴竟死杖下時三十一年十二月也然從謙籌邊疏  
中已勸帝易黃老之念以練武其積怒殆非一日云初  
從謙欲論武定侯郭勛驕橫以母老中止服除竟坐劾  
闖死隆慶初諸臣請卹猶援子罵父律不允萬厯間子  
有驂三疏乞恩贈太常少卿賜祭葬從謙又嘗籌議漕

河懇辭閣職疏俱失傳其劾奏嚴嵩貪姦誤國留中不  
下世莫能見也所著四子書心得尚書毛詩日記禮記  
同蘭集各若干卷絲綸稿四卷應制稿二卷又詩文集  
十八卷今亦並佚獨有驂所輯竹湖遺稿僅存其文以  
議論爲主疏通愷切而詩特雅健入古與從子一龍齊

名

參據明史舊志竹湖遺稿從謙賓桂軒夜集作  
玉宇薦新爽遠睇同晴漪關河涉脩阻莫負深秋期

羣英萎中野高標足芳蕤森森鄰林樹挺挺燕山枝清  
宵月華滿主人竟何之閒庭轉岑寂素抱長在茲好景  
不易得幽懷猶可追涼颺動惘悵萬里含情私送高玉  
林薄自爾緣分遲豈亦有心清把袂尊酒黃鳥深樹鳴  
華美人隔江動水爲結歲晚盟青山知己一見爲生平高  
情美下林皋落日搖滄瀛百年重泉與子濯塵纓靈襟  
飛旆累黃流不可清爲汲東山泉試地卿八難襟  
懷苦俗累落日可清爲汲東山泉試地卿八難襟  
湛虛碧明月歲成日泓輿論重安省長劍孤雲橫賜對  
邪議三司質歲成日泓輿論重安省長劍孤雲橫賜對

溧陽縣志

卷十一

人物志 忠節

七

席勞君說蒼生與崑崙齊潼關一吼數萬里黃河來自  
彭城西天渠下與崑崙齊潼關一吼數萬里黃河來自  
海日低滔滔世變急瀾倒騰截九隄戲馬塞前  
石如齒一葦當風急瀾倒騰截九隄戲馬塞前  
逐虎兇終夜猶聞叱流矢奔騰截九隄戲馬塞前  
開洪蒙天傾地裂誰彌縫蘆灰一汪潰不可攝夏后之始  
來神功擁盾南奔不復賈放生策將安從還向鴻鈞  
酌元氣呼吸能令百節通放鶴亭晴眺積雨開新  
霽山靈信有知臺虛迎日早花冷報春遲誰放神仙鶴  
空留學士詩斜陽重回首殘碣俯清漪金山寄彭少  
白用一龍姪韻別雲滿江樓月滿山不  
愁牽海上孤舟別怕見天邊倦鳥還風景忽首望南關  
春情猶在柳陰間九龍峰外  
高人宅煙樹蒼茫不可攀 祀鄉賢

馬明錫字審卿崇禎十一年貢生黃巖縣訓導教養諸

生有方擢慶元知縣未任聞李自成陷京師號慟以死

長子漸磐拮据營喪事畢亦以嘔血死同邑陳獻策護

其眷屬以歸金壇許熙宇爲返其櫬焉近墓居民歲時

挂錢酌酒久之勿替云

謝球字石攻僉事鼎新次子明末諸生性落拓不羈善  
騎射

國朝順治二年

大兵下江南球毀家募兵兵敗被執至溧水知縣羅某見  
其舉止有異於眾欲贖以金不屈死始球奔避時有世  
僕劉家兆相隨不去劉持短械格追騎幾脫騎集眾圍  
射鬻焉球葬菴山嘉慶二年奉

旨入祀忠孝祠妻陳別有傳

參據明史邱祖  
德傳及舊縣志

楊禹甸字甸之號海鶴明末諸生

國朝順治三年明永明王由榔自立於肇慶僞號永歷禹

溧陽縣志

卷十一

人物志 忠節

八

甸以考貢授國子監學正累遷至戶部郎中七年

大兵入桂林由榔自梧州奔南甯八年城陷禹甸衣冠行  
至喬版河赴水死同死者有車駕司郎中南甯人梁某  
士人立雙忠廟以祀之

參據明史桂王  
傳雙忠廟記

鍾鼎字玉鉉一字節也邑諸生有名所選文有驚帆捷  
飛諸集膾炙人口咸以選政歸之其生平著作以欽崎  
磊落之才自抒悲憤時魏璫煽焰鼎選敘中有孽豎煬  
聰衣冠短氣及廷中鹿馬等語指斥弗避嘗以詩忤一  
勢宦爲所中鼎走京師抗疏事竟得直明亡更名鍾離  
楚崎嶇閩粵間盡瘁以死

彭敦歷字德甫崇禎十三年特賜進士授戶部主事遷

郎中樞關臨清釐剔姦弊商民大悅及差還則京師戒嚴行旅斷絕敦厯誓眾星奔七日不火復命稱旨尋出監督草場兼攝山東按察使聞李自成陷京師縞衣爲位慟哭幾絕自以不獲赴難乃匍伏江湖間竊抱申胥之志會

國朝入關定鼎敦厯慨然曰亂逆已除天下自此大定矣有司起之不復出杜門謝客蔬布如諸生其後或舉應鄉飲瞿然曰

聖朝恩榮豈不知感但朽廢餘生甯敢濫膺鉅典耶性尙古處犯者勿校爲庭訓十則教於家長子嘉捷別有傳

陳嘉猷字儀行號詎叔康熙三十九年進士授甯鄉知

溧陽縣志

卷十一

人物志 忠節

九

縣厯署安化湘鄉嘗活重辟數十百人以廉能爲巡撫趙申喬所重趙將劾吏三十餘輩嘉猷宛轉剖析之得宥太半未嘗以語人行取擢吏部文選司主事累遷本司員外郎驗封司郎中再擢山西道監察御史稽察錢局尋掌陝西道嘉猷感激遭際冒昧圖報六十年與同官陶彝任坪輩再疏請建儲罪且不測

特恩加牛祿章京忒斯忒斯萬里絕塞冽風寒雪處之怡然  
雍正四年蒙

恩賜環以原官回籍嘉猷性孝友仲兄某以事被繫與俱宿獄中營救得出兄產破復爲稱貸還其故廬

參據御史題名記舊縣志

及家傳

潘祖壽字穀貽監生援例河工効力任山東聊城縣周李廳乾隆四十六年委辦河南壩工工竣黃水暴漲從河陝道張有年守備張位趙魁等率眾救護隄潰俱死焉議卹各有差祖壽蒙

恩贈按察司知事卹賞祭葬如例蔭一子入監選如所贈官王行儉字似裴辰沅道鳴子乾隆辛卯舉人大挑一等試縣陝西歷署隴州甘泉褒城補南鄭所至有能名南鄭故無縣志行儉延溧陽舉人周柄中纂成十六卷事跡粲然復捐資興起漢南書院士人誦之調署三原暮年以承審不實被議去宦橐蕭然不能歸留掌書院嘉慶元年逆賊姚之富等鼠竊楚豫間大府會勦行儉奮

溧陽縣志

卷十一

人物志 忠節

十

然投効二年五月賊自豫竄秦蹂躪商州興安等處大府檄行儉北守洵陽之趙家灣閏六月又南守平利之八仙河八月從延綏道温某赴竹谿追捕餘逆還經關垵會守者疾作行儉遂代之距關垵六十里有白土關咽喉要地也防兵止百餘九月初四日行儉奉檄領鄉兵六百星夜馳往協守當是時賊眾由汝河直前犯關平明蠡擁而至行儉與都司趙禧合兵擊之槍礮震天自辰至未殲賊無算忽有從間道登高而瞰我軍之背者行儉復與禧分兵抵禦短兵接殺傷過當卒以眾寡不敵爲賊所衷禧死之行儉身被十數創瞋目大罵賊亦遇害越五日家人得其尸面如生事

聞蒙

恩贈奉政大夫卹賞祭葬如例給雲騎尉世職襲次畢給予  
恩騎尉世襲罔替子栻以世職改用知州

孝行

史顥字叔升東漢溧陽侯崇子也資潤崑山氣稟蘭畹  
自然穎秀無待琢磨及遭家不造殆將毀滅哀感庭禽  
悲摧隴樹三年無改一遵父風門閭忽生芝草表聞賜  
錢萬緡絹千疋以彰厥善顥以元和元年嗣爵為侯永  
初七年薨謚曰文據漢司空神道碑  
韋仲麟宋乾德間人父談為甯國軍官談卒仲麟廬墓  
三年因名其村曰帳墓

溧陽縣志

卷十一

人物志 孝行

十一

錢戩居父憂有少年數人來曰而父在京師逋我金數  
百萬戩欲償之兄弟有難色且令舉其要戩獨曰大人  
與人交信厚彼必不我欺且彼謂吾父貸宿鏹吾拒以  
無左驗辭雖直顧非孝子待親之道卒與之家為瘠不  
悔元夕家人出觀燈鄰不肖子闖其闔潛入家廟中伺  
夜將為盜覘識之亟遣守舍僕呼之前戩諭曰爾良家  
何為乃至是取一白金合子與之使速去終不語人其  
子時敏始生有烏鵲銜青銅五銖錢一置庭中香案上  
識者知其陰德之證據建康志本傳後以時敏贈奉直大夫祀  
鄉賢時敏別有傳案宋彭乘墨客揮犀云錢君倚知江甯常州有無賴男子來謁曰先公嘗貸我二十萬幸見還父老請逐之君倚笑曰彼以吾父未償為請公輔何敢不償於是償之遣去事與戩同

李華字君儀其先自隴西遷句容南唐兵亂再徙溧陽  
曾祖瓌祖俊父憲及華累世不仕華性純直簡亮貌莊  
而溫居父喪毀瘠盡哀母老廢疾華垂泣憂懼遂置家  
事不問專意奉養纖悉躬親不解帶者十餘年同氣五  
人篤於友愛內外人無間言云有田十餘頃值穀翔貴  
必發廩平價以食其窮大觀政和間蝗數害稼羣飛下  
其田輒去不食旁觀愧駭華曰偶然耳勿復言三子長  
蘊次茂次朝正一日誨之曰蘊茂治生有法宜勉力以  
輔吾老朝正篤學可出從士大夫遊以大吾門建炎三  
年卒年八十六以朝正贈朝奉郎據張綱華陽集網華外孫祀鄉賢  
秦煇字君用紹興二十四年進士僉判甯國軍累直文

溧陽縣志

卷十一

人物志 孝行

十一

華閣授中奉大夫事母以孝聞

呂宣問字季通

舊縣志誤作季焘

開封人宰相蒙正四世孫徙

居溧陽紹興十四年父希圓倅洋州妾韓生宣問甫六  
歲而韓被出莫知所之父卒事嫡母李甚孝既長念所

生不置將訪之

案此處宜云訪聞其母在蜀方與下文求官池陽語令舊傳但云將訪之今亦

不復添改云

以池陽當蜀人往來通道乃求調錄事參軍凡

蜀客經從必託使物色存否臨滿秩而仙井兵楊俊來  
報曰韓氏在彼時李年老無他男宣問不忍舍之遠涉  
復求改峽州推官益近蜀次年被檄如荆門過當陽玉  
泉寺祈夢武安王廟有應遂遣人迎韓於仙井果得之  
時紹熙元年也母子相失已四十餘年相持感泣吏民

咸爲流涕時李年八十三韓年七十矣洛陽吳仁傑賦

詩美之見夷堅志宣問尋改知蘄春縣卒歸葬溧陽參據

建康志  
舊縣志

潘祺字長吉好學問尚氣節游太學知名與丹陽陳東

友善東欲獻書闕下案宋史陳東傳東於欽宗高宗之世屢次建言不知此次要祺當係

何事過祺謀可否答曰祺親老不能與子俱子不可不勉

東意遂決祺性至孝父疾革露章請於天願減已算益

父壽疾果瘳人以爲孝誠所感紹興二年登進士第調

宣州司戶卒年三十八里人痛惜之參據建康志舊縣志

楊俊字質英性至孝父卒居喪盡哀廬墓三年理宗時

遊太學登第敕掌翰林院參據江甯府志舊縣志

溧陽縣志

卷十一

人物志 孝行

十三

史思賢慶元間人母芮得危疾醫治罔效思賢欲剖心

以療之乃焚香籲天橫七首於鑪乞母子俱全有一不

免則不敢自戕并乞神立七首空中以爲感格之驗如

是者累夜忽夜半七首憑空自立旋擊自刺揣得物如

拇指許割而熟之以進母疾遽瘳鄉鄰以聞知縣方楠

旌賞之又慶元嘉定間割肝剖股之孝子尚有王弟兒

邱念四王德先何伯四俱縣令旌給酒米錢絹弟兒年

十五尤稱難得云參據金陵志舊縣志

偃文質字孟彬父合刺普華元至元間爲廣東轉運使

死事謚忠愍語具本墓下文質幼慧日誦數百言母教

之嚴儼若成人十歲剖股療母病時以父忠母節子孝

爲三絕云十六以父蔭監益都滕縣稅厯官至同知廣西宣慰司事副都元帥所至破賊平獄民賴以安嘗疏論募兵立屯守禦之制數上不報遂棄官歸移忠愍及夫人櫬改葬溧陽沙漲里尋除吉安路總管有旨慮囚廣西旣還歸老溧陽至元六年卒追封雲中郡侯謚忠襄五子一姪皆成進士所居第舊有五桂坊其名尙存焉

黃建辰至正間人十四歲喪父母陳有疾嘗割股療之弟建午亦有至性母歿兄弟廬墓三年朝廷旌其門曰雙孝

趙希賢忠愍淮孫幼失怙恃育於仲母撫若已出旣長

溧陽縣志

卷十一

人物志 孝行

十四

補州學生奉祀宋丞相葵祠希賢事仲母如所生三十年無間至正八年仲母卒年踰八十矣希賢哀毀如喪妣與從弟善之同持喪里中義之邑人孔克齊爲立傳

吳志云案此則趙丞相父子在元已有專祠而其後遂廢誠缺典之當興者也今希賢墓在廣法寺南

史以辰永成鄉人母黃危病莫療夜禱願以身代刲股以進病尋愈明洪武十四年知縣符煥以聞詔旌其門

時永成鄉又有史亞慶史佛保並以割股旌

案洪武末著令武人

子身體受之父母小人好奇邀賞乃有割股刲心之事倘有不虞反傷親心自後凡有親疾務慎醫藥或情不得已亦聽爲之不在旌表之列據此則史以辰等十四年之旌固在未著令以前然下文朱亞春以洪武末割肝而亦得旌者蓋未年之令又在耳江甯府志云未俗道喪民多薄於孝而厚於慈爲人所難爲不猶愈於已乎故與其過國朝禮部則例孝子割股傷俗維不一助也謹案

准旌如有奏請 旌表 交部議者請 旨遵行  
蓋禁止毀傷與原情勸孝之意固自並行不悖也

朱亞春惠得鄉人洪武末母沈病篤割肝救之耆老錢  
希等白縣以聞詔旌之明年徵授太常寺司樂

吳璣字士衡邑諸生以善書有名永樂七年選入太學  
與修大典授平度州判官陞知縣璣事母至孝母疾忽  
思鷲炙未至而終遂終身不復食鷲云

彭守經永樂間人行誼孝德推重當時祀彭祠孝龕  
朱甯嘗侍母疾衣不解帶割股療之

史阜字惟高事母繆以孝聞嘗割股療疾母歿廬墓三  
年哀毀骨立天順間知縣員賢疏其事於朝授承事郎  
阜居鄉亢直取與不苟有司嘗舉覈田土服其無私

溧陽縣志

卷十一

人物志 孝行

十五

戴晨字賓初成化壬辰歲貢養親不仕親歿哀毀骨立  
廬墓三年有司以聞授杭州府經歷

戴昇字賓陽贈太常卿慶祖嗣子慶祖殉難土木昇號  
泣星奔僅得爪髮歸葬朝廷聞其孝錄蔭南京都察院  
照磨累擢至刑部員外郎

彭鵬字冲霄宏治乙卯貢生以母老終養不仕母卒廬  
墓葬祭盡禮墓前雙松連理白兔馴擾人以爲孝感  
史必遂永成鄉人兩次割股療母隆慶五年知縣帥蘭  
給額旌之仍予粟帛至今稱爲孝子門

呂充字充道六歲喪父孝事寡母王王歿廬墓三年教  
養兄孤如子族有總功之戚必變服嘉靖丙午貢太學

選授漳州府通判監司文章薦擢竟自免以歸與同邑史際馬一龍輩修八節會優游終老

繆希亮字思忠御史樗子事母李至孝不樂仕進年及艾始舉於鄉時嘉靖四年也依戀膝下不欲應部試母強之乃行八年己丑登進士第不廷對而歸遂終養焉母卒稱病不復出與唐順之王畿錢德洪等以姚江之學互相敦勗年七十五卒司業馬一龍私謚爲貞孝先生尙書劉麟表其墓曰皇明第一高士祀鄉賢

馬一龍字應圖父性魯知尋甸府土酋安銓雄據一方性魯撫之稍順適僉事某督稅過急銓遂舉兵反某與性魯以狀聞於當事兵備副使周奎率兵討之所至縱

殺民轉附賊城陷夾輔指揮王昇戰死性魯被執銓意在殺奎奎因委罪於性魯以激變逃避等情上聞詔令巡按御史體勸一龍時爲國子監生赴闕疏言周奎誣陷臣父伏望憐臣罔極之思哀哀於闕下憫父無辜之殺斃斃於天涯收臣下獄敕都察院提臣父來京三司廷臣重復面審有無虛實朝廷固有公法是非曲直天下亦有輿評臣未敢仰瀆九重之聽但恐荒遠孤臣不能如山西大獄上則虧天地造命者之德下則寒邊方守土者之心外起攏人輕視漢官之志內成姦吏傾陷善人之謀父成歿齒冤臣抱終天恨此所以不避斧鉞願爲父死以求伸也如父罪果實奎言不誣臣請併戮

以謝天下時嘉靖七年三月也一龍復具以寃狀上書  
宰執當世躔之未幾性魯病瘴死於滇二十六年一龍  
登第館選授南京國子監司業以母許年七十八老且  
病五疏乞歸乃允之卜築玉華山館著述其中卓然以  
文章名世書法適逸深入能品又善立勝事如仿古建  
置祠堂義田及重建尊經閣之類並為時所稱

參據游藝集及

舊縣志 吳志云溧之耆舊以事母孝而不欲仕者有光祿丞陳爽暨其孫興國判懋齡又德州知事呂鍾餘干主簿湯有倫庫官曹璋今案二陳別有傳本不必附見因餘人事實無考故併錄於此 祀鄉賢

彭嵩字德高天性醇篤事父以純孝聞友愛同氣老而  
彌摯嘗讓產與兄傾私囊輸官脫兄刑獄嘉靖甲辰飢  
設粥以活道上流離者辛酉大澇宜興人失金於途號

溧陽縣志

卷十一

人物志 孝行

十七

泣將自溺嵩償如數又嘗讓地與鄰弗之較也或藉端  
田產訟索增價如所欲予之無吝色且曰甯人侮我母  
我侮人暴客聞其孝義咸知感戢其德化閭里有如此  
者弼塘龐某榜其門曰積善之家知縣姜博為文表之  
卒年八十一馬一龍作傳祀鄉賢

錢鐸字德振事寡母至孝遠近稱之嘉靖甲申飢出粟  
千石以賑族族繁乃勅立義莊入田二千畝贍養子姓  
焉又置義塾延名師以教之有司旌曰義門孫新邑庠  
生克承先志於不墜云

據明一統志

陳爽字南谷少孤事母至孝弱冠游庠食餼聲名籍甚  
念家貧親老乃就補光祿寺丞俸錢奉母不及妻子既

以母老乞歸母終服闋馬一龍勉之仕進爽潸然出涕  
曰前此小就母故也馬鬣封矣祿仕何爲廬居墓側布  
衣蔬食終其身子際亦以孝聞

馬有驊字德良從謙第五子晉江縣丞有驪弟也嘉靖  
三十一年從謙爲光祿少卿疏論中官杜泰事下鎮撫  
司打問有驪時爲刑部歷事監生疏言杜泰朘祭牲  
偷盜內帑貪肆已極臣父職司光祿義不容隱而泰誣  
爲謗毀欲置之死臣父雖死不過一家之流離盜臣不  
誅將壞奕代之成法且後之有官守者孰肯復盡心於  
陛下哉伏望速加明斷如果臣言不謬卽將杜泰正法  
永塞盜臣之謀矜宥臣父宏開忠諫之路不報已而從

謙廷杖死有驊年方十歲仰天號曰嗚呼忠而見殺此  
冤何時得白乎隆慶初吏部科道交章請卹猶援子罵  
父律不允其後先朝獲罪諸臣以次昭雪有驊辭於其  
母曰兒日夜椎心飲泣乃今可以辨冤矣入監例滿授  
鴻臚寺序班乃疏言臣父獲罪之後先帝悔悟下敕嚴  
查醮費法制一新則旣用其言矣使臣父而生安知不  
更錄用且世宗朝小人誣陷正人引子罵父律者有三  
趙文華以此殺李默胡膏以此殺楊允繩杜泰以此殺  
臣父今楊李已蒙恩卹獨臣父孤魂尙沈覆盆之下不  
得事先帝於九京此臣所以不避斧鉞哀號於君父之  
前也章再上贈從謙太常寺少卿有驊遂求調南京就

近養母擢鴻臚寺司儀署署丞復疏請祭葬許之時萬  
歷十八年也尋以母病告歸終身不起有驂生平侍母  
疾輒廢寢食奉養寡姊外大父母及議築皇甫圩焚券  
捄貧諸高義事甚多卒年六十二  
參據尚書曾同亨所  
撰有驂墓志及有驪  
疏  
有驂

彭遠字伯甯邑庠生試輒高第萬曆甲辰歲貢生平以  
孝聞立志終養遂高不仕之節嘗讓園伯兄讓田仲兄  
鄰人或侵其宅弗之較也焚券周急賑荒掩骼諸善事  
尚多祀鄉賢

狄期進同燿長子至性過人孝於父母昆弟七人雍睦  
無間言宗族推之子文修爲甯波幕職昭雪冤抑常捐

溧陽縣志

卷十一

人物志 孝行

十九

俸給獄囚冬衣父子俱年登九十

阮繼美刲股廬墓萬曆十四年旌

史紹董萬曆間生員孝行純篤巡撫督學並額獎之

莊應仁莊順性俱於萬曆間刲股療母

王廷璋二歲而孤孝事母霍後霍老病刲股療之會冬

月母忽思魚藕廷璋剖冰取藕魚亦躍出

案此從舊志  
節婦傳摘出

陳懋齡字鶴臺三歲而孤母王青年矢志懋齡天性誠

孝自四五歲時母未食不敢先就塾讀孝經卽解顯親

揚名之義攻苦力學弱冠補弟子員尋貢太學授定海

縣丞擢興國州判署州事有惠政旣而致仕歸養母性

慈好施懋齡能養其志陳故聚族而居乃起層樓眺望

有不及時舉火者輒遺之粟母歿行之勿替人呼爲望  
煙樓云歿祀鄉賢子于臯性亦醇謹官鴻臚寺丞  
周選廷字文勳有逃奴爲盜或首選廷父知情被逮刑  
鞫瀕死者數矣選廷奔訴六院不得直會新任巡方御  
史至乃更撰辨冤辭一篇號哭投轅御史覽之驚異曰  
書生能文也呼入細訊父由是得免然盜故未獲已而  
來劫周維緒之父殺之維緒字德倫亦選廷族也控縣  
捕之仍不獲緒乃以每月之朔輒往哭於縣庭於尉廳  
如是者十七年始捕得盜臨刑維緒賂劊子竟獲其首  
以歸祭於父墓祭畢仍函之以去據汝南  
孝子傳

彭育仲萬厯間刲股療母

溧陽縣志

卷十一

人物志 孝行

二十

路康父益孝病篤刲股以進母史病亦如之崇禎七年  
知縣李思恂額獎

孫志尙縣學生員父母歿俱廬墓三年

史志聃年十七刲股療父時崇禎六年也知縣李思恂  
獎以童年敦孝之額

包級字仲階本姓葛父鑲爲人所殺級年十七與弟綉  
相抱痛哭日夕誓殺讐果抉雙目瀝血祭父讐家訟於  
官壯其孝義爲直焉

黃懋德字鏡宇父應麒年八十六懋德年亦六十餘晨  
昏寢膳盤匝杖履必親執其勞母宋患異癰躬爲吮舐  
籲天願以身代兄弟析箸時以祖宅讓其季曰季年幼

不忍令出就別室有違父母膝下也腴產悉以分諸弟而自業遠莊曰我年長素與彼佃人相習也臧獲亦引其老者曰我習勞無煩健僕也每遇文試父授之資斧悉封識不動歸給諸弟生平所爲有古薛包之風焉弟衢早卒撫遺孤如己子其執親喪足不入內室爲世所難始懋德補弟子員年二十五自以數奇不能顯親年七十猶與棘闈之試有司三舉鄉飲祀鄉賢

史繼夏事母錢至孝母七十病篤刲左股以進愈之明年疾作復刲右股獲愈人以爲至誠格天

陳于宸字曰俞與弟丹有名諸生間並以孝稱母吳病歲餘兄弟更踐掖侍厠踰之屬必親浣之母卒復同廬

墓里人聞其夜作兒啼聲爲感動焉父獻可亦諸生將貢而歿二子哀毀如其喪母時督學過庭訓廉得其行旌曰雙孝于宸卒年四十九丹字南士甲申乙酉間謝諸生以終年五十

陶慶初組孫逮事祖母殷竭盡孝道家貧常自負薪米殷有疾衣不解帶者久之捐已產作建祠基址凡爲諸生數十年從未一入公庭咸稱篤行

史樹忠字魯生至性純孝淬志力學以聖賢自期卓然不惑於流俗之見有聲譽序間竟以諸生未遇而歿

彭之儼字雲岫父早歲邁篤疾躬親湯藥十餘年不懈奉母朱就養多方母年八十四之儼年亦六十餘愛慕

如孩提房族貧乏輒推衣食周卹之家遂中落晚年克復祖業日夕與同里耆舊對奕自娛蕭然物外子璐能詩文吳穎品之云風高而不削氣清而不滓世以爲定評云

費學太字公望少時母疾刲股和藥以進不使人知母歿後言及輒流涕不已弟貧無嗣割產授焉復爲娶妾生子子長延師教之如己出族未有祠獨捐數百金勸建其他高義多類此者子廣康熙壬子拔貢

彭敦直幼而失怙廢書業農必求甘旨以奉母母卒廬墓三年足迹不入私室鄰有被誣盜殺者敦直憐其冤傾家救之又嘗贖人鬻妻且給衣食

彭禎源字培和謙曾孫也弱冠游庠才學淹博爲一時推重性至孝父嘗患疽口吮膿血不解帶者逾月旣歿哀毀成疾每歲忌辰必衰麻哭泣以祭兩兄相繼逝經營喪葬竭盡心力撫孤姪如己子督學舉行優以旌之晚年益工于詩著有呆菴集若干卷

狄呈祥字際泰天性至孝方赴試心動馳歸父已病甚及卒毀容嘔血幾不欲生先是父病思食鴨呈祥自此遂終身不食葬時以竹杖植墓左枝葉更生人以爲孝感云生平慷慨尙義麻城曾鴻烈非罪繫獄呈祥聞其冤會麻城令與某恤刑皆雅重呈祥乃往白焉事遂得釋而呈祥故未嘗識鴻烈也鴻烈後知之詣溧陽謝而

呈祥已卒留詩哭墓而去初呈祥從祖無嗣心愛之呈祥以宗子不得爲人後則以次子奉其祀有利其遺產爭之者呈祥曰若所爭者財吾所繼者祀盡散所遺以周族而自以產給次子使主祀焉以子敬贈朝議大夫祀鄉賢

狄褒庠生呈祥子善讀書有至性母白疾篤刲股愈之學使過庭訓旌之曰竭力回天父歿率諸弟勤學砥行年八十敦善不怠舉鄉飲賓

湯之進邑諸生母蔣病篤祈以身代刲股療之

鍾恒光字輔之邑廩生幼失怙恃泣血廬墓侍兄疾衣不解帶尤人所難云家極貧然取與之際一介不苟

溧陽縣志

卷十一

人物志 孝行

二十三

潘起龍寡母湯痼疾刲股療之

周龍起母史病危與弟龍躍代工龍雲各刲股和藥以進其後族人知之聞於官知縣王某旌曰一門篤孝

周起清父有祥病革刲股療之

周夢煊父卒母張再適人而又寡貧無所依夢煊迎之歸其妻史以張之改適也養不善夢煊徑出妻而日肩磨鏡具易米以養已又習爲簞籩負鬻村落間所獲微常自忍寒餓而張日膳肉張年八十許老憊甚夢煊扶

侍滋益恭先張八年卒

據汝南孝子傳

史遵六字景文積學敦行以諸生七試於鄉不遇而所教弟子多成材者居父喪哀毀骨立廬墓三年子颺廷

登第猶折節與諸生進退及颺廷官鄖陽迎養署中未數月卒當事舉祀鄉賢牘語有云七閩弗第詎忘鐵研之穿三載居廬幾致墓栢之瘁生旣靳沾一命歿猶矜式四方人以爲得實焉

參據江南通志舊縣志

董匡廷字魯直爲人正直不阿孝友出于天性幼時祖母張病瘖匡廷承顏順志曲得其歡心伯兄正廷家貧將匡廷田五十畝典謝姓銀一百二十兩後無以償匡廷代償之歡然無間言晚年鍵關教子義方之訓甚嚴子粵固登康熙十二年進士第

史顯城附監生考職州同割股療母康熙十七年知縣

裴表表其門曰孝子

案此從舊志節婦傳摘出

溧陽縣志

卷十一

人物志 孝行

二十四

沈濬號巽涵少失怙事祖母及母以孝聞明季奉之避亂猝遇兵號泣求代竟俱得釋歲飢自咽草實而以甘旨奉其親順治乙酉中式舉人時土寇未靖不敢遠違應部試丁亥赴都聞母病卽返己丑試部得乙榜選臨洮府推官道遠不便迎養欲辭之座主當軸者趣之行不得已赴任省刑愼罰民咸感之而濬時時念母乞歸不獲會江南海寇告警涕泣固請情辭哀切得解印綬馳歸閱三月母卒喪葬盡禮不遺餘憾服除以母不逮養鍵戶不出年至耄耄遇諱日猶作孺子泣云五舉鄉飲大賓

唐兆麟字爾正弱冠補弟子員與趙綸芮城講性命之

旨毅然謂聖賢可學而至自以早歲失怙恒切哀慕逮事其祖以孝聞羣從貧者或鬻田宅於其祖兆麟一日召之飲悉還其券年未三十卒無子人皆悼之

舊志附載唐齊

今另傳

王五本順治間人幼失怙事母鍾至孝母卒臨葬身躍入坎呼曰速覆土眾挈之出號咷仆地尋結廬墓旁用香檀刻父母像旦晚拜之者六年族人強之返乃哭座香像人名之曰像冢裴何二令額獎之

蔣麟順治間人家中不戒於火冒烈焰救父母出之往返數次麟遍體灼爛父母竟無恙

強年字用九號健齋邑諸生温厚淹雅事母至孝兄弟

溧陽縣志

卷十一

人物志 孝行

二十五

終身無間言教人善誘弟子多成材者鄉黨薰其德皆敬而愛之著有易經訂疑

周知增廣生順治十六年刲股療母呂時年十四知縣王獎以孺孝格天之額時又有周晉巉刲股療父

楊百浚性醞篤孝養父母無違言飲食必侍扶持必親終身如一日居喪哀慟暈絕康熙間知縣武二酉獎以孺慕情真之額

胡義劬康熙間人母尹病跪進湯藥手滌糞穢刲股療之知縣何額獎

張體忠康熙間人母盧歿廬墓三年署縣朱額獎

狄雲鼎字符甲性恬退不樂榮進而奉母至孝承顏順

志三十年如一日母歿喪葬盡禮季弟少亡婦孀無嗣  
雲鼎爲立嗣并析產與之

史閣字九開康熙乙卯武解元候推守備爲人孝友嗜

義嘗割股療兄

參據舊縣志及史譜

彭紳字錫我至性過人事親純篤父歿方在苫中盜  
過相戒不入曰此孝子廬也待從兄弟無異同懷有貧  
而售其樓者予價勿取屋或業田苦潦莫售以已產易  
之親朋歿於遠宦往迎其喪且爲經理或貧不能昏至  
鬻產以助其好義類如此生平讀書以明理爲宗康熙  
丙寅歲貢以仲子會淇封中憲大夫侍講學士舉鄉飲  
大賓祀鄉賢

溧陽縣志

卷十一

人物志 孝行

二十六

黃鳴珂字玉樓事嫡母以孝聞兩兄嫡出也鳴珂奉之  
惟謹析產時聽兩兄自擇美好兄多子貧未有室爲之  
完娶凡所以慰安親心者存歿無間焉族人或逋官稅  
出數百金代輸之課子如瑾以義方之訓及登第爲福  
州府推官益教戒之每出視事問有所平反則色喜爲  
加飧聞讞重辟則愀然不樂居鄉有爭者出一言解紛  
羣懾服去人咸欽其厚德云

彭玉書字兆五監生考授州同孝友慈祥飭躬醅謹慎  
於接物不競不驕舉邑號稱長者父嘉捷爲崇安丞有  
疾與弟玉佩割股和藥以進得瘳玉書以子朝佐贈文

林郎

馬廷鼎字宸輔號補拙父喪哀毀既葬墓去家數里朝夕定省無異寢門一日有異獸蹲墓旁廷鼎拜泣獸悲鳴而去家貧授徒聞有鬻妻者罄館穀以償路拾遺金俟其人還之或構釁見辱終弗之較也其人卒悔謝康熙庚辰充歲貢生年五十矣以子受曾贈文林郎著有破愁集左史發蒙唐宋文類選補若干卷

周繼瓚割股療母周繼發割股療父俱康熙間人

彭服先康熙間人篤孝過人愈母危疾附食彭祠孝龕

虞天錫康熙間人嘗割股療父終身孺慕

馬伏授字治尚世俊曾孫母病夜禱於天願以身代後

館江西瀘溪官舍一日欲遄返主人叩之曰昨心痛家

溧陽縣志

卷十一

人物志 孝行

二十七

中恐有故抵家父果疾敬慎醫藥爲嘗糞焉時值鄉試父迫之行獲中式康熙癸巳科也父歿以遺產讓諸弟而自買宅奉母以居生養死葬俱獨任之生平廉介不問戶外事知縣鄒廷模極重之曰此真不愧孝廉矣王鳳孫字振彩號雪圃家貧事母史氏能以色養中式康熙壬子科舉人依戀晨昏不欲仕進家居二十六年時舉人年深未考選者許入京補用母趣之行授內閣中書累遷至刑部郎中凡三任本曹兩司文柄冰兢自矢士論多之六十年辛丑

詔羣臣年踰七十無過失者

賜宴乾清宮鳳孫與焉並蒙

賜周易折衷耕織圖爲千古榮遇告歸舉鄉飲大賓卒年八十

五

彭世豫進士士俊孫父寶文旣生世豫兄弟尋出游歷三十年不歸世豫隻身尋父全楚兩粵足跡殆徧荒山瘴水蠻洞獐溪畧有影響疑似卽往求焉中間兩遭肘篋一厄沈痾露宿風餐幾劇虎口瀕死者數矣卒不悔倦最後得一彭姓骸骨將裹而歸忽重不能舉且聞鬼哭乃仍座原處世豫飄泊五年俛俛乎如無家適同里陳嘉猷知甯鄉送之還里卒

宋貽字祐來康熙丁酉舉人事繼母以孝聞言笑不苟篤於行義同邑貢生馬師輒父子相繼歿於京師貽

溧陽縣志

卷十一

人物志 孝行

二十八

爲棺斂送之歸嘗督建南渡橋簿正出入人服其無私潘天成字錫疇別號鐵廬黃墟里人也幼故知書年十三遭家難父母弟妹竄他郡天成幾斃於仇得脫卽往尋焉徒步走且哭嘗宿青陽谷中叢篁虎嘯了無怖恐旣而訪得所在至則他徙矣天成誓不反顧足趼萬山康熙戊申遇親於徽郡旁觀駭夔憫其年之幼而跡之苦也尋出遊四方旣返謀奉親歸里大賈二人贖之會冬大雪谿谷間其深沒踝天成負母行數里置之還抱其妹赤腳往返膚裂血流雪爲紫旣歸受業宜興湯之錡然家故絕貧資負販以養周歷旁郡徧交黃周星梅文鼎揭暄輩道途市井間吟誦不輟久之親歿桐城方

中發摯之去博涉經史爲明體達用之學補安慶府學  
生晚居江甯家益困懸鶉百結倨見豪貴間得錢沽酒  
脫帽振衣論說世務達旦不倦卒年七十四雍正丁未  
也其友吳官心爲厝聚寶門外惠應寺側及門荆溪許  
重炎立碑且哀其行畧及鐵廬集行世乾隆癸未奉

旌建坊潘祠前返葬黃墟妻盛自有傳

參據舊縣志及年譜

尤之佐字子周幼具父母大父母事之盡孝每塾師談  
及古今忠孝事退輒語人曰爲人必當如是矣父茂母  
吳先後嬰危疾之佐泣禱求代刲股愈之父又病目將  
瞽之佐每晨舌舐之竟復明及父歿之佐不入己寢伴  
母以居燠寒苛癢必身體而敬抑搔之之佐病且革戒  
家人勿白母而諄囑子弟朝夕善事血淚承睫以歿時  
年六十康熙五十三年也生平又嘗倡建宗祠祭田歲  
荒周給不責其償嘉慶十七年以孝

旌

狄樞南字曼容年十四母陳疾篤刲臂和藥以進母歿  
廬墓三年侍父億疾臥不貼席者數十年如一日撫幼  
弟三人衣食皆厚於己子且曰吾子何敢與父之子等  
樞南好學能文著有毛詩箋籥樵稿卒年四十一省志  
有傳

蔣孟懷邑諸生康熙間刲股療母

戴更生佑生午生兄弟三人於康熙二十六年各刲股

療父知縣何某獎以一門誠孝之額

强健臣康熙間人孝事二親刲股療母

李興康熙間人孝事寡母常身熨衣衾以取温暖母危疾乞減已算益之敬奉其兄而厚撫族弟眾論推之子

文厚亦以篤行稱父子葬所嘗有白兔來臥云

普明恒康熙間刲股療父

姚景俊康熙間兩次刲股療親時又有姚景謙刲股療母二人俱以乾隆三十二年督學曹秀先額獎

史效成康熙四十五年刲股療母徐時年十六

强鎮任康熙間人善事父母族人稱之知縣黃某額獎

沈明珊康熙五十七年刲股療父

溧陽縣志

卷十一

人物志 孝行

三十

史纘杏康熙間人十歲刲股療母

宋亦聰康熙間生刲股療父

張裔乾康熙間生雍正元年刲股療父

夏沛然康熙五十四年生雍正八年應試江甯父林生暴疾卒沛然歸哭踊嘔血幾死後值母疾刲股以進歲

荒焚券賑貸修葺廟宇里黨推之

史良璧康熙五十五年生年十一母陳卒作寒食歌甚哀後其父九如病篤連刲左右股療之姊彩姑同時剖

腹療父別有傳

楊從和康熙間生刲股療母

王榜邑諸生康熙五十六年生乾隆七年刲股療母

普紹劼康熙間生刲股療父

徐可載康熙間生刲股療母史

姜於仁監生刲股療母

陳文業邑諸生刲股療母督學陳額獎

范迪坤刲股療父范迪仁刲股療母並康熙間生

宗肇洪雍正間生後因母葛疾刲股療之

陳有常邑諸生雍正間生乾隆二十四年刲股療父

芮義愷雍正間生嘗刲股療母弟姪輩析居貧乏復與之合爨從姪孫孤貧義愷撫育之爲娶室

周蘭紹雍正間生早孤力佃事母鄭鄭卒葬村旁蘭紹露寢墓側風雨之夕蓑笠蔽身每飯必先供而後食如

是者三年

錢敬邑廩生雍正間生嘗刲股療父

史蕙珍乾隆十年刲股療親知縣錢溥額獎

黃壽福雍正十二年生三歲母吳卒乾隆三十年繼母施病篤刲股療之

呂一儒字席珍號璞齋未出腹而孤家貧自幼好學時大母潘母金並苦志矢節潘老疾震掉一儒每餐以匙抄飯進之左右奉養無違而金雅欲一儒專志讀書凡所以事潘者時躬親焉且曰若大母吾固謹事之矣一儒泣且感敬奉兩闈之暇讀愈勤卒爲邑名諸生及潘金相繼歿一儒號踊哀毀路人流涕歲初瞻禮遺像孺

慕如生常以席橐卧旁依依不舍至老勿替一儒潛心  
理學尤善時義然其中具有根柢每閱一課卷或暗用  
儒先說數必能抉發其源流爲人廉靜以和從游者日  
益眾乾隆壬子歲貢竟以是終

周正興乾隆三十六年刲股療母

吳獻行乾隆間刲股療母力田孝養

史宇增乾隆間刲股療母

楊子誼乾隆十七年生髻年篤孝刲股療母

繆雲松乾隆四十年刲股療父補嫡母馬病亦如之

王大翼邑諸生乾隆二十三年刲股療母狄

姜鳳高乾隆間生幼失怙依伯修致伯病危刲股以進

溧陽縣志

卷十一

人物志 孝行

三十二

厥後生母王氏疾亦如之

狄伊訓乾隆五十八年刲股療父竟不起伊訓悲慟成  
疾終喪卒

史印曾潞安同知汝杰子髻亂恂恂然孝友祥順未嘗  
有子弟之過嘉慶五年母謝病卒悲號嘔血死時年二  
十二常州洪亮吉趙懷玉爲詩以哀之十七年詳請

題旌

金希參其先溧陽李白圩人後遷宜興之談莊孤貧力  
農乾隆四十九年母史歿希參苦草墓側旦夕誦佛經  
明歲大飢或勸就賑城中泣曰墓去城七十里棄母求  
一飽甯餓死耳廬三年不廢耕作宜興士人聞於官給

額旌獎

案希參雖徙居六世未  
改本籍故附見於此

以上孝行新舊志攙敘

張順昌其嫂芮氏節婦也有欲奪其志者訟於官時順昌在側里人因言其刲股療母驗之創瘢尙未平

芮增齡年十六母病刲股和粥以進病已而人不知時大旱兄呼庠水驚其體瘠乃識之

陳傳大母朱氏八十三患痢數月不痊傳爲嘗糞知不起乃刲股和羹以進遂愈有司旌之

姚良棟王世徵陶元善羅夢星徐朝元皆刲股療親  
施正元剖心療父 葛方禎刲肝療母

王瑞昌字毓如髫年刲股愈父署縣嚴御風申獎之

溧陽縣志

卷十一

人物志 孝行

三十三

王予誠邑庠生刲股療母明末負母避亂死於兵

陶昌祚邑庠生明末避兵竄匿屋上父爲兵所執將殺之昌祚跳下抱父哭求代兵怒揮刃遂斃

狄舜隆邑庠生年十四刲股療母

徐汝亭刲股療母 史元勳刲股療父

唐繼字祗詒邑庠生刲股療父

沈枚字震卜廩監生刲股療母

姚泰麒字瑞庭與弟泰麟泰鵬皆屢次刲股療母一門孝友世所難得知縣楊裴並旌之

徐瑞字麟祥刲股療父縣旌

陳琪字有賡刲股療母督學熊旌之

陳名佐字簡仲割股療母縣旌

楊正祥割股療母縣旌 徐士俊割臂肉愈繼母疾

楊初旭字景新克勤孝行知縣裴旌之

虞守先年十三割股療祖及父病亦如之南捕何知縣裴並旌之

周繼濂年十四割股愈母署縣何煥旌曰髻齡篤孝

宋廷文割股愈母 姚楷邑庠生割股愈母

蔡錫餘割股療父知縣何旌 楊錢錦兩次割股療母

徐思聰字子明割股療父知縣裴旌曰孝行可風

以上吳志孝行案吳志孝義之外別有孝行一門

他志並無此例但所載孝行三十餘人時代無從

溧陽縣志

卷十一

人物志 孝行

三十四

悉考難以新舊攙敘故亦別錄於後

義行

秦熹宋人金壇令澤之後也隱居弗仕歲入田租萬斛凡輸租人至令自行槩里人稱之曰秦自量熙甯元豐間薦飢熹爲淖糜賑救又常爲待炊之家權度升斗以給之全活甚眾有司薦之不起祀鄉賢

潘華仁字安之某府照磨孝友好義元至元十七年以殷戶出粟與子山解賑京畿歿於王事至治三年孫守元亦以解賑歿曾孫仲達於至正五年出粟賑饑四世俱贈七品冠帶旌爲義門

史舜安號東埭承父敬武小學之教孝友恭儉而性宏

及物州里懷之爲人偉儀觀膂力絕眾值元季寇亂究極韜鈴之書嘗著兵策一篇上之當事大指謂府兵旣廢救一時之急莫如團練義兵分上中下爲三等戶老弱壯爲三等入壯者爲兵餘者爲民上中戶率錢而下戶任其力眾舉萬夫千夫百夫之長官給職秩有差而別選經明行修練達古今之士總其事仍置義倉必積三年之糧以養之十家一甲使相統屬居閒則保結方隅有警則同力策應集慶一路可得壯丁百萬足以守護鄉城當事莫能用也至正十二年紅巾陷州城敬武父子傾家團結鄉勇諸路亦各起義相援賊聞逃去已而城再陷州人兇懼悉奔避長塘湖依史氏義兵爲捍

溧陽縣志

卷十一

人物志 義行

三十五

尋與官軍合擊賊賊殲焉語具林夢正王全禮傳及武備志中舜安入明仍隱不仕論者謂其生當變易之際不一出取智名勇功與常傅湯李輩爲伍爲有見於烏盡弓藏之幾然舜安自以元代遺民誓不復起務爲韜晦專以德義化於其鄉嘗修葺宗祠割田以供祀事至其孫曾以下始出仕明有顯者

參據舊縣志文獻全集  
孔克齊壬辰記變尙書

林俊所  
撰墓表

王全禮古縣人至正十二年紅巾犯溧陽張三舍導之城陷知州馮清桂遁去全禮倡義團結鄉兵與史敬武史舜安父子吳清吳江兄弟諸義兵合援聲勢大振賊遁城復已而復陷教授林夢正死之清江率眾追入城

戰死泰清觀前事詳孔克齊壬辰記變二吳宜興芳莊  
人生平有急難之義竟死鄰邑人皆惜之

史康三平生有隱德未嘗欺人亦不疑人欺己宗黨鄰  
里有無相通貧乏之家有待以舉火者爲下莊史氏共  
祖至今四百餘年子孫簪纓不絕

吳宗成字仁甫其先中江人有昌裔者宋理宗朝爲御  
史後遷毘陵至宗成卜居溧陽悉棄故產萬金予其族  
值元季賦役煩重里中困追呼或至逃竄宗成出己財  
代輸民得安堵

史和字仲和號東莊爲人直方清慎識達古今時務明  
初懲元政縱弛一切御民以嚴和乃重自貶損盡散其

溧陽縣志

卷十一

人物志 義行

三十六

家之厚積務折節與鄉人同時府尹顧佐持風甚厲大  
理胡槩廉察江南連破豪右數十家獨雅敬慕和間延  
至官商推政務和直言無隱保全善類爲多至有爲立  
生祠者子常知建甯府以剛亢免歸旣入門和喜謂之  
曰吾自今可高枕矣乃置家事不問日課常講貫學業  
教導子孫續譜葺祠增益祭產設義倉藥局以濟邑人  
之貧病者和有兄曰濟弟曰德終身友愛嘗作宜樂堂

以居士大夫多稱誦之

據周瑛翠渠摘稿東莊先生墓表 梁潛泊菴集宜樂堂詩序

畧 溧陽史君仲川仲和仲辰兄弟三人同居合食甚  
相友善取詩宜爾室家樂爾妻孥之語扁其堂曰宜樂  
仲和子常以善書選至京同預編永樂大典出示宜樂  
堂詩一卷求敘之余弟本之教溧陽每稱道常之賢故  
不辭而爲之序曰夫人意之所適無不可樂富貴之光  
華舉世爭趣疾慕如江河之流下而赴海也而惟君子



政猶未盡除每年馬不生駒追償寶鈔七百貫民受賠  
累賣產者有之售妻鬻子者有之鄉村大小悲哀動地  
有司坐視不敢上聞臣以愚戇冒犯天顏抑百姓者國  
家之根本人君者萬民之父母百姓近爲馬鈔追逼顛  
連無告如赤子墮水火仰望父母手援以全其生蓋江  
南寄養官馬田地狹窄稅糧重大無場牧放不能以時  
羣蓋故馬不生駒臣不避斧鉞爲民馳救伏望皇上全  
父母撫育之深仁布造化生成之盛德革除故元之苛  
政拯救小民之殘喘云云奏上太祖召見諭之曰生受  
你也依准所奏今後兩年一駒仍賜光祿寺酒飯賞寶  
鈔二錠以償路費遣之歸其後馬政又遞有減折語具

溧陽縣志

卷十一

人物志 義行

三十八

武備志彥敬有孫曰廷玉亦正直好義人也鄰里有不  
公不法事輒相戒曰葛某知否

陳嵩九字國寶

案王諍碑陳名天民今因忠義祠木主作嵩九故仍舊志

洪武間抗

疏請築東壩下流郡縣得免水患永被其澤焉當時錫

以官爵辭不受

王諍碑余自嘉靖丙辰孟夏奉命宰溧越三載邑貢士南溪陳子坤因余政

暇持狀登堂再拜而乞言曰吾陳之五世祖嵩九公於洪武十三年上疏奏築東壩上利於國下利於民功德在當時者彰彰矣然而世遠移之久將湮沒雖子孫莫知其所以然者請公一言以記之余躋其請按狀公諱天字國寶別號濼隱當高皇建極之始年踰弱冠慨然以王事自任身居草莽而憂在廟堂念蘇松等處朝廷股肱郡賦稅所出甲江南而右兩浙者也地居卑下每夏秋水溢則泛濫無所隄防稼穡多傷生靈匱國賦日虧公私俱困者十五六年乃敬陳忠愍請於流要地築隄障水以防民患天子可其奏命下有司議格不行公抗疏再上謂有司不達時宜素殫推阻乞命臣同有司不限臣以功力容臣相度地勢於宣州溧水交

東壩之境兩山對峙之區固鍾湖之下瀨陽江之上築  
界壩使蘇松無漂沒之患鍾山有朝宗之勝倘如有司  
所論徒費不能成天子壯其言命有司共董其事工力  
戍粵西之南丹天子陳公六月而告成朝廷將賜之官  
自有司謀畫則凡天下之事皆臣子當為之事豈敢望  
以償其勞公且曰臣他無所望惟願立碑壩左俾臣微  
賞固辭不受且曰臣他無所望惟願立碑壩左俾臣微  
名獲綴其尾足矣天子嘉之立碑壩上錄其名與事用  
垂永久厥後公隱居且樂善歷涉經史老而不倦年十  
九集親鄰賦詩暢飲且勸勉以善語而逝余考公十  
大狀而於前者其必昌君而有公之心嘗觀古人有  
不沒公利澤及人善蓋斯世豈小補而不可傳哉凡  
之人微功片善莫不曉曉自鳴以求稱譽而公無所為  
而為之所謂前人樹德而後人蒙其休宜乎餘慶無窮  
而令名益著也夫南溪追崇祖功不忘親也脩舉廢典  
美斯傳也非公之為於前子孫雖賢無以彰其美非南  
溪之為於後公德雖崇無以傳其盛且也觀公昔者對  
君之語惟欲重名不朽今果然矣夫豈有  
負於公之初心也耶東壩考詳見疑辨

九陳良三兄弟各捐米千石賑饑有司欲上其事請官

溧陽縣志

卷十一

人物志 義行

三十九

之亦固辭

趙士愷家裕好施洪武間大饑捐穀千百石以賑全活

饑民甚眾有司上其事於朝敕賜門坊

舊志云今崇莊巷廢址并礎石

猶存

黃琮字宗玉號龍巖始祖默宋時為溧陽教官因家焉

琮明永樂辛卯舉人歷任薊開沂三州學正擢開封府

教授正統景泰間聘充江西福建鄉試同考官解元劉

洙江西所得士也洙後為南畿御史印馬至溧陽琮歷

言其弊而孳生抵償之害因以漸除後人頌其德歿祀

鄉賢先是琮在江西得姜亮武卷奇賞之後求其卷不

獲亮武以為被棄嘉靖間亮武之孫某來知溧陽撤琮

祀主爲公論所憤

國朝嘉慶七年琮裔職員德尊廩生玉成等具呈到官詳准復祀焉又案琮之後曰元昭萬厯乙卯舉人元晉順治間 恩貢河清及子煜先邑庠生孫明偉辛卯舉人歙縣教諭並諤諤不羣世稟琮之遺教云

參據舊縣志及復祀詳稿

陸旺正統三年出穀二千二百五十石助賑敕旌義民賜以羊酒予復雜汎差徭如制

據正統  
聖敕

狄銘性慷慨好義正統六年歲稔捐米千石助賑有司以聞旌爲義門賜羊酒給復雜徭五年子驥字宗德嘗捐明倫堂後基地教諭王貫記之景泰間歲饑復出粟一千二百石助賑獲冠帶之賜堂構繼述不愧義門云

溧陽縣志

卷十一

人物志 義行

四十

呂彥祥正統六年出米一千一十石助賑旌義民

據聖  
敕

何成一正統間捐米三百石贈壽官

唐珏字桂軒景泰丙子科舉人篤學好義武力絕倫禮闈火珏舉傾柱撲救之得疾遄歸卒南京吏部尚書玉華督學戴珊以聞建坊旌表題曰德堪不朽

潘璣字星之成化間歲饑出粟千石輸官助賑又設粥於門以食餓者死則安葬焉賜七品散官額旌義門周仲達嘗掌鄉稅出納公平及管倉糧代里長償米數百石又嘗督餉至北京不受解費出粟以賙鄉黨之貧者助人昏葬鄉邦義之成化十三年詔賜冠帶子璇及璨邑庠生當成化宏治正德之間先後各捐粟累千石

助賑賜爵璇子鎰嘉靖二年賑飢璨子金及鍊亦以助賑累千石得官鍊又嘗捐金建祠並以義厚爲鄉閭推服參據舊縣志及明徐溥撰仲達墓志

楊進字紹賢御史剛之孫父歿悉讓美產於諸弟宏治

甲寅歲大侵焚逋券萬餘金出錢二百千以修文廟

捐地一廛以廣講堂二句野志續編文徐吳志作捐貲修文廟講堂費二十千縉文義

未詳故初成化乙未以急公尙義授承事郎不就乃號

耕隱以見志子謙嘉靖癸未出粟賑飢工部李某舊志

作司空李明無司空故改從實特未詳何官耳上聞旌其門孫孟元亦嘗捐田

邑庠以周貧士蓋三世好行其德云

鍾昌字修吾爲人和平正直爲鄉邦所重知縣符觀加

溧陽縣志

卷十一

人物志 義行

四十一

敬禮焉年五十舉與賓筵嘗拾遺金立召其主還之後

裔蕃衍科第不絕僉謂厚德之報

史際字恭甫給事後之子少從王守仁湛若水遊旣入

南雍受知於魯鐸嘉靖十一年登第授禮部精膳司主

事調主客改吏部稽勲文選司又改右春坊清紀郎兼

翰林院侍書爲忌者所中乞歸勅設義莊務以濟人爲

急甲辰乙巳丙午間舊志作甲午乙未今據唐順之救荒滄記及史譜改正仍歲

荒旱賑粟萬石又鑿救荒滄俾民以力易食全活萬餘

開濬躍龍關河重建明倫堂割腴田二頃以贍貧士復

建新泉嘉義兩書院以待四方游學之士當事爲立生

祠於學以示報也會太倉沿海大水運穀二萬石抵崇

明嘉定等倉助賑爲時所資甲寅乙卯間倭寇深入際  
練鄉兵數千邀擊太湖洞庭山寇卻走尋犯應天破溧  
水流劫至溧陽際復率敢死士邀擊於舊縣寇敗東奔  
追戰宜興之太湖寇殲焉事聞起擢尙寶司卿丙辰官  
兵集平湖勦寇弗克際復率家眾往火攻徐海軍功最  
再擢太僕寺少卿蔭一子錦衣衛百戶仍予世襲際功  
成不居致仕歸老有園亭山水之勝卒祀鄉賢子繼書  
以蔭官累遷至堂上僉書管事賜飛魚服告歸嘗助祠  
田五百四十餘畝先後賑荒金粟鉅萬萬歷二十五年  
朝議屯田天津以備倭繼書奏捐己產率眾往佃並海  
直沽田以勞卒京邸子致爵襲職累遷至指揮使致蔭

溧陽縣志

卷十一

人物志 義行

四十二

文華殿中書舍人出爲廣西布政司理問改知興業昭  
平兩縣兄弟各捐祠田百畝出粟千石助賑義聞於時

參據舊縣志及史譜

彭綽字希孟早孤自立不畏強禦而好行其德嘉靖二  
年歲大侵設粥以食流亡坎地以葬髡骼減價放糴寬  
息出貸鄉里賴以生全者甚眾卒年八十一給事中陳  
壇爲之傳子詡正德庚午經魁次試魯府典膳次謙嘉  
靖甲辰進士

狄竭邑儒生讀書秉禮恂恂下人以市居喧雜卜宅林  
間嘗拾陳姓遺金二百錠召其人還之其人來謝無德  
色焉事見狄斯彬野志後萬歷間費良佐亦有還逆旅

遺金事別有傳

狄湘字清之孝謹端方不苟言笑族黨有不平事必請質之一言解難信如金石人比之王彥方云族叔炳病革託以孤遺金付焉迄長倍息授之嘉靖間知縣沈鍊表其閭曰耆厚時又有陸微以樸厚公直散積賑飢為鄉閭推服

宋檄字子震以諸生教授里中力學於古與子弟言必以孝友為士林推仰終歲館穀所入周恤鄉鄰親友之困阨者遜宅讓畔高行甚多卒年九十餘論者以檄盛

德宜躋上壽云祀鄉賢舊縣志注云嘉靖癸丑督學御史趙方城先生歲試溧陽進諸

生而語之曰士先德行而後文藝今日庠中所舉行優生員即他日鄉賢之選也今教官列薦當否諸生毋隱

溧陽縣志

卷十一

人物志 義行

母徇諸生默不應趙階問曰如彭生諳宋生檄可乎合聲應曰好好兩生皆賢而好學敦尚孝友實諸生師範也趙大悅乃手自簪花披絳絹鼓吹送之下階一時盛傳其事後兩先生果皆從祀鄉賢

董恩字子承嘉靖初江南大饑發粟賑貸自舊縣至蔡家店凡一由旬其間願立券以貸者聽券盈五笥秋成恩悉召負者焚其券全蠲之地方數十里賴以全活子夢相孫用毅並以世德聞里中

王祐邑庠生嘉靖間以田地山房捐入學宮仍戒子孫歲輸糧麥勿累師儒一時稱為義舉

彭延嵩次子調邨族赴人之急浙東有遲某案彭譜稱遲鳴

洲當是其號落魄至溧陽延欵留數載臨行贈之金時邑人

隸海運軍籍者輒展轉受累破其身家會彭族亦以株

連當解軍資至靖州延奮身願往至則遲某方爲巡按御史既謁見極陳軍籍之害爲奏除之邑人亦藉免萬歷間知縣徐縉芳旌其門曰世善之家

潘溫廩貢生嚴嵩在國子監折節下交溫略不依附時溧陽歲漕以民運至淮爲大患溫請於當道俾官丁赴縣自運邑人誦之又嘗於黃墟築隄以便行旅建春秋

二社講學其中事詳輿地志聚仙菴下

參據溧詩選序及聚仙菴碑

潘世御富而好施嘉靖十七年出粟千石以助賑饑

陶組字遺安溧陽侯謙之後自陶莊徙居義笏慷慨好施嘗充里甲會歲祲貧民無以償國課組破產代輸人尸祝焉子人羣孫嘉祉嘉祐曾孫自悅俱成進士餘列

## 溧陽縣志

### 卷十一

人物志 義行

四十四

鬻序者纍纍然孫慶初別有傳

戴日慶字子餘明義鄉人嘗捐數百金鳩築圩隄遂成沃產萬歷間歲饑出穀助賑署縣郎文煥額旌之上其事詔賜冠帶後以議敘選授胡廣咸甯縣丞年老不就

屢舉賓筵

參據印照及戴譜

狄仕明邑諸生弟獻明萬歷壬午舉人是科坐關節被詔覆試者甚眾獻明亦爲忌者所搆試畢諸作弊者或戍或黜獻明仍中式忌者愈恚會獻明妾自縊忌者遂嗾黨控於御史某某信之以聞逮訊獻明獄急仕明使出亡而身自詣行臺聽訊御史方盛怒仕明曰使者欲以三尺法爲所私殺人乎罪未得情而遽請逮何也御

史語塞怒益甚榜笞交下已瀕死矣昇出俄殞於邸御  
史尋悔獻明獄得解於是仕明義聲大著祀鄉賢

錢賓國字寅劬伯兄以逋賦被繫將質己產代償令聞  
面詰之曰汝寒士曾與而兄析箸否曰析久矣然逋賦  
者賓國之兄負逋賦名者賓國之父也賓國奚忍亡父  
冒此名哉令義之乃曰而兄逋以百計子償其半我當  
爲子足之勿復過累子抑以是知子深矣萬厯間以歲  
貢授宣城訓導子允燾府學生所受產爲其弟費盡弗  
問世以爲克承父志云

彭諳字德達家貧年三十餘始能力學嘗懸書機上誦  
讀勿輟以邑廩生授經里中所受脩脯輒推予子姓之

溧陽縣志

卷十一

人物志 義行

四十五

貧者置義阡於姚山賃石臼塘以均水利卒年七十餘

都御史虞某

吳志作中丞虞東厓

爲作傳云性醅而貌樸言慤而

行愷忘貧近於子淵好直幾乎長孺祀鄉賢

吳中信字惟誠少孤多難性俠尙義周人之急或轉受  
其累焉同祖弟中懋早世撫其孤頡如己子敬養寡姊  
三十年如一日中表弟黃某病危密以橐金相託及其  
未亡爲置市屋一區付之其砥行不苟多類此以子穎  
贈朝議大夫祀鄉賢

周元良字近莊以父遺田三百畝并屋悉推讓兩弟萬  
厯十六年歲饑捐穀百石以賑貧乏長子起龍次正龍  
皆諸生季蟄龍例貢四川鹽井衛經歷父子兄弟暨孫

萃並舉鄉飲賓鳴揚世緒皆舉行優鳴雷世美吳志誤作世矣

援例貢監吳志作拔例鳴球友爽芬俱列膠庠子孫文

學彬彬濟美啟燿以貢生吳志作選雋案題名知靜海

縣其曾孫也

張沂字溫泉素以厚德見推鄉黨萬曆三十九年以子

學周贈徵仕郎南京金吾左衛經歷司經歷敕命有云

捐粒以救災見利而能讓郡有旌閭之典人知德里之

稱據萬曆

張春芳崇來鄉人少攻書已而棄去力田為善萬曆之

末兵餉急溧陽逋賦日夜追呼貧民無所稱貸春芳捐

己資代一鄉全納焉曾無德色官舉鄉飲賓亦辭不就

溧陽縣志

卷十一

人物志 義行

四十六

據萬曆己未訓導譚一龍序

毛景春字三全生平好施天啟四年邑大水賑饑焚券所施實多

周如唐字凌烟世父延萃負才而傲萬曆間知縣李本

固以私隙殺之如唐伏闕訟冤詔下巡按推鞫本固論

如律而如唐亦坐部民告官長謫戍遼陽衛士大夫義

之餞詩滿篋據汝南獨行傳

董正域字殷方由邑庠入太學居鄉多厚德嘗置義田

以給族之貧而志學者繕橋梁築圩塍濬溝洫不惜重

費以成久遠之功崇禎之末歲浚饑捐粟數百石賑濟

貧民子佩弦邑廩生讓千金之產於其兄輕財好施有

父風

楊啟芳字簡修庠生崇禎間遼餉告急當事檄派諸山塘礮確民無以堪僉議赴六院求免啟芳毅然任之既行會刑科都給事陳獻策已言於巡按遲大成爲奏免焉啟芳歸所費七十餘金不以一文派諸各鄉

彭貞治字玉臺孝弟節儉教子遵琦姪遵亮並舉於鄉明末邑人逆僕潘茂等削鼻亂作獨不敢犯貞治家蓋其生平行誼有以感之云晚歲以家政付長子遵度優游以老遵度號恬菴醕謹有父風父子年皆九十屢舉鄉飲賓

任應宿字怡園蘭枝曾祖也敦厚寬和樂善不倦常匡

居一室不問戶外事宗黨之間無間言嘗有肆詬於前者絕不與較旁觀爲不平應宿解之曰彼怒他人非詬我也平生雅度含宏類如此子一紳字國臣公正剛直鄉黨推服性慷慨窘乏者以告如所需解囊給之明季縣人起爲盜吏卒捕及無辜一紳大聲救解之諸非盜而被繫者皆得釋父子並以蘭枝贈禮部尚書彭銓字于衡崇禎間貢生行己端雅好施予甲申乙酉兵燹之際家道中落然人有干請必推解之不責其償與人交數十年如一日以父老杜門侍養不樂仕進晚爲宗祭酒屢舉鄉飲賓長子士振仲子德普皆廉隅自立人稱爲有道君子

周鼎昌字睿伯少有文譽崇禎癸酉舉人再試禮部以  
母老不復出歲饑鄉人或鬻妻子鼎昌破產濟之又嘗  
脫同年生於留都獄入

國朝有任樞要者力薦之不起樞要人得罪用其薦起家

者半坐黨廢鼎昌優游泉石以壽終

據儲欣在陸  
草堂文集

彭敦澄字清甫年十四遊庠伯兄敦澤早卒遺孤貧無  
以自立撫如己子仲兄子元昉爲勢弁所陷奮袂控之  
當道乃得脫又其姻戚或負世家三百餘金解囊代償  
之屢舉鄉飲賓有子六元瓚康熙己未歲貢生志昇茲  
際珩俱庠生

唐齊字思賢性好施予歲饑捐錢千緡代償里逋同居

### 溧陽縣志

#### 卷十一

人物志 義行

四十八

百口時稱義門年九十餘卒子孫世以文學聞

案此從  
舊志唐

兆麟傳  
分出

史順震字爾長世襲錦衣衛生平多隱德排難解紛不  
矜其功明末潘茂等以人奴搆逆糜爛一方

國朝順治二年總兵張爾蟠率師至素德順震遣騎來迎  
既見具道茂等逆惡狀因涕泣爲一城請命乃按誅首  
惡數人而止爾蟠部兵掠子女數百人去順震復請釋  
還之邑人安堵以子鶴齡 封編修以曾孫貽直 贈  
大學士

王家鼎字耳臣性寬和重然諾喜周人急貧者稱貸不  
能償卽焚其券有以千金寄託者兵燹之際爲盜所劫

家鼎鬻產如數還之無悔意生平尊重師傅文學宋復郊館於其家二十餘年敬禮如一日諸子俱底於成長曰旦康熙癸卯副榜次日曾丙午舉人已酉將北上以父有微恙不肯就道家鼎責以顯揚大義迫之行明年果登第歷官至江西參政家鼎三膺 誥贈人謂積德之報云

史大生字允吉崇禎間水師左軍都司分守常州孟河溧陽潘茂等作亂史氏某僕起應焉廩生史望倡集義勇將擒之大生指囷以助糗糧事乃濟鄉里獲安

國朝順治間倡建公祠祀祖沙縣知縣史復敬宗收族爲

時所推

參據彭光斗瀨上遺聞及史譜

### 溧陽縣志

#### 卷十一

人物志 義行

四十九

史顯壯

吳志作再封失書名

字再封性孝家貧授徒以養一日解

館歸遇周姓鬻妻哭將別顯壯傾囊救之不足又轉貸

五金乃得完聚子軼羣虎臣亦樂善好施

錢國華字靖侯少負神力尤精槍法崇禎七年武進士

授太倉州守備擢游擊告歸會潘茂等據城作亂諸路

義兵攻之弗克國華率眾來攻軍於城南報恩寺賊用

間諜奄至寺中國華不及備眾莫能前乃跳盪徒搏斃

賊二十餘人走陷於溝爲亂兵所殺

參據吳顯尊羹集彭光斗瀨上遺聞

史美璠字御珍家貧婦翁王助之資產崇禎十三年世

父其文應部試美璠鬻田供費及出知臨桂縣又賣宅

資之先是有沙縣知縣史復爲其分支之嫡長未有專

祠

國朝順治間美璠首捐基地與史大生等經營初建并入祭田族人義之

尤應魁字世表舉善鎮人少工詩文養親不仕明末盜起鎮當南路之衝應魁令於四面立柵團集鄉勇教之戰守盜不敢犯時頻歲荒旱應魁盡出囊資并勸諸同義者糴穀分賑完人廬舍又嘗繕修津梁初設義學兩舉鄉約正義聲聞於當時

國朝順治康熙間知縣邱貢瀛楊應標王錫琯先後禮請鄉飲卒年九十一康熙十六年丁巳也

據潘麒生三舉鄉飲序

鍾鎮高為人狷潔非分之獲一介不取人咸高其義

溧陽縣志

卷十一

人物志 義行

五十

陳嵩性醜樸不尚浮華人有犯者絕不與校嘗推所有於兩弟至三析其私產人以長者稱之

胡一津好修士也解衣推食自幼行之老而不倦知縣

楊某旌表善行舉為鄉飲耆民

吳志注云彭時勉家世故清華性特閑靜以太

學為鴻臚屬員出丞秦之三原皆能其官至近若陶元禮之德行姚致崇之耆碩皆有足錄者附補案注所附三人彭既不述其義行陶姚亦語焉未詳無由再考今姑仍舊其所附葛陳狄六人已按照事實歸類另傳

吳震來字薦聲順治乙未歲貢康熙間漕糧奉

旨官收官兌部議五米五銀俾軍無需索民免贈貼各州縣奉行而溧陽仍然如故震來等躬詣漕臺條陳諸弊奉准勒石永禁碑在樂登倉前具載顛末漕政一清邑人永賴時同事者史孔昭史猷狄我後鄭其生

史猷字載輶

吳志作  
史輶

郡庠生事親以孝聞康熙間

文廟向敝猷傾囊倡修葺而葺事又捐資運息廓新下  
莊宗祠買田百畝以供祭宴之費二十七年鹽價騰踊  
貧民苦之猷訴諸當事賈人餽之金不受價遂以平爲  
時所誦卒年八十七

據彭會淇  
所撰墓志

王高齡字爾亨號溧南侍郎綬高祖也材識超俊見義  
必爲康熙十九年捐資賑飢全活無算知縣裴裘旌表  
之後嗣蕃昌咸以爲積善之報

姚明璋康熙十九年捐米五百石助賑知縣裴裘嘉獎  
之家嘗被劫已而獲盜置獄有株連者明璋力救得出  
高淳袁某來鬻妻子辭不可而給資生理越數載豐足

溧陽縣志

卷十一

人物志 義行

五十一

以歸

據陳藥林  
所作傳

王鼎新邑庠生桂壽區人康熙十九年歲饑議於各鄉  
煮賑鼎新捐米供本區一月之粥不足鬻田繼之知縣  
裴裘舉行優

吳嘉稔字康年潮州知府穎子例授縣丞好讀書不求  
仕進承藉先人清望優游以老壽至九十二一時齒德  
未能或先雖屏居葆真邑中興廢大故咸來取決嘗奉  
趙城田三十餘畝歸之學宮兩舉鄉飲大賓

參據印卷  
及吳譜

史啟佐永定區人康熙己未庚申間水旱洊饑出米一  
千零六十石助賑

馬自福字惟錫明贈太常寺少卿從謙元孫從謙以忠

諫死廷杖長子有駱亦遭誣陷家中落者久之自福子身經理卒致饒裕復太常舊宅悉讓所有於兩弟返外家田券不責其贖歲飢賑貸賴以舉火者亡慮數十百家子琳附監生嘗倡建宗祠亦好施予

錢昶字耀瞻監生考職州同嘗捐資倡興祠事教條具舉以和易公正爲族祭酒者數十年

潘上達字省三候選府經歷爲人慷慨有節概守分知足而好義雍正十二年捐田二百畝市房一區爲宗祠義產以贍貧乏傳之至今

參據著縣志及新冊

史崧高性爽直勤敏綜理族事數十年先是本村無義倉歲飢有流亡者乾隆五十年大旱崧高倡捐糴穀爲

溧陽縣志

卷十一

人物志 義行

五十二

義倉賑濟無算嗣復續捐經運嘉慶十二年旱荒亦賴以濟其法沿之至今又崧高十一世旁祖傳四百年止二丁垂絕爲其季者完娶生子而夫婦又亡乃育其遺孤比長復爲完娶焉其分任邑中公事如

文廟文閣之類咸竭盡心力人無間言

史期蘭寬仁孝友爲從子完娶割田宅與之賑荒周急賻戚黨之死而不葬者又與從弟守禮捐資倡建祖祠入田以祀焉守禮太學生孝友喜讀書儲藏萬卷手自讎定從母寡居割田養之終其身撫育諸甥皆爲完娶其與期蘭刵建祠祀也計費千餘金其餘賑窮卹患諸高誼事並爲鄉黨稱述云

朱震配惠得區人常念宗祠資產微薄遺命其子丹書等助錢一千兩修祠及譜并置祭田其子遵行之經運增益以爲供祭贍族之用

史楚字西雍考職主簿生平讀書以推己及物爲意乾隆二十一年縣大飢議賑楚曰凡賑莫如速欲速莫如勸民輸輸錢不如粟與粟不如粥其輸視田多寡無田者計資出錢其出內錢粟任士之廉者其給粥男女以班老幼廢疾罔或後又酌留其贏市藥物材木爲瘡癘札喪備有司躉之後以爲法縣試童子二千人或至露坐楚請於官卽城北察院廢址倡建書院兼爲試棚五年成之詳書院碑記楚資不中人縣有公事及祠墓率

溧陽縣志

卷十一

人物志 義行

五十三

錢輒不自制累破其產既益囊舉前後責券燒之或寄粟焉已而歸之矣俛云亡若干石遽償如數晚而五世同堂有司上其事卒年八十有六子鼎輝附貢生克承

父志訓子炳有法以炳官封修職郎

節錄長洲王學博芑孫所撰墓志時

楚孫炳方纂縣志引內舉之嫌不敢泚筆余爲列諸義行俾不沒其祖德云陳鴻壽記

石逢元監生念族人多以貧廢學乾隆間捐田二十一畝屋三間歲取其息以資膏火又以母命捐白金百兩優卹貧孀族人勒石紀事

史喬雲產素不豐而宅心仁厚遇媼族貧乏必量力周給之嘗訓諸子曰吾人祖產旣析親屬仍須一體相資慎母蹈薄俗也子廷光克承父志爲從子婚娶并給田

宅云

張正亨家素窘乏以勤生漸致饒裕嘉慶丙寅丁卯間  
淮揚流民就食常鎮諸郡日踵至至輒數十百人爲羣  
正亨人給半升米村落得以無事平糶米一載石減時  
直千錢復酌濟村鄰之貧者十六年遺命其子履旋等  
捐田四十餘畝佐平陵書院膏火履旋等遵行之詳見  
學校志